

Volgno.	WANGEDRAG	1ste Oortreding	2de Oortreding	3de Oortreding	Punt
1.	'n Leerder 'n gevaarlike voorwerp, alkoholiese drank of onwettige dwelms (rook) gebruik het of in sy besit gehad het of verkoop het of versprei het.	Dissiplinêre komitee			100
2.	'n Leerder 'n daad van afknouery, aanranding, diefstal, brandstigting of kwaadwillige beskadiging van eiendom pleeg.	Dissiplinêre komitee			100
3.	'n Leerder 'n daad van gruwelike ongehoorsaamheid pleeg of immorele gedrag openbaar.	Dissiplinêre komitee			100
4.	'n Leerder in besit is of gebruik maak van enige ongemagtige afskrif van 'n toets- of eksamenvraestel, of kul, versprei, uitruil, omkoop of poog om enige persoon om te koop ten opsigte van enige toets of eksamen, met die doel om sodoende sigself of enige ander persoon in die posisie plaas om 'n onbillike voordeel te verkry.	Dissiplinêre komitee			100
5.	'n Leerder haatspraak gebruik, homself skuldig maak van rassisme, seksisme, seksuele teistering, in besit is van of pornografiese materiaal versprei of deelneem aan enige daad van openbare onsedelikheid.	Dissiplinêre komitee			100
6.	'n Leerder die veiligheid van mede-leerders of opvoeders in gevaar stel of bedreig, die skoolprogram ontwrig of die regte van ander skend.	Dissiplinêre komitee			100
7.	'n Leerder homself valslik identifiseer, bewustelik en opsetlik valse inligting verskaf of dokumentasie vervals om onbillike voordeel te verkry by 'n skool.	Dissiplinêre komitee			100
8.	'n Leerder wat herhaaldelik skuldig bevind is aan oortredings van die leerdergedragskode.	Dissiplinêre komitee			100
9.	'n Leerder homself, volgens die mening van die beheerliggaam, op 'n skandelige, onvanpaste of onbetaamlike wyse gedra, skuldig mag wees aan ernstige wangedrag.	Dissiplinêre komitee			100
AKADEMIESE OORTREDINGS					
10.	Die versuim deur 'n leerder om enige vorm van huiswerk of werksopdrag van die betrokke opvoeder na te kom.	W	W	D	5
11.	Die versuim van 'n leerder om sy handboek/skrif/huiswerkboek/studiegids/afskeurstrokies/mediaboeke, na die skool te bring.	W	W	D	5
12.	Skrifte/inskrywings/toetse nie geteken nie.	W	W	D	5
13.	Geen leerder mag by 'n ander leerder huiswerk afskryf of die huiswerk uitleen om afgeskryf te word nie.	W	D		10
GEDRAGSOORTREDINGS IN DIE KLAS					
14.	'n Leerder sal altyd stil 'n klaskamer binnegaan.	W	W	D	5
15.	'n Leerder mag alleenlik aan die einde van 'n periode hul boeke in hul tasse pak asook die klaskamer verlaat met die toestemming van die opvoeder.	W	W	D	5
16.	'n Leerder sal altyd hul tas saam neem na die volgende klas.	W	W	D	5
17.	'n Leerder mag nie sonder 'n geldige rede laat kom vir skool of by 'n klas nie.	W	D		10
18.	'n Leerder mag nie in of op handboeke skryf of krap nie.	W	D		10
19.	Geen leerder mag eet of drink in die klaskamer, sonder die toestemming van 'n opvoeder nie.	W	D		10

20.	'n Leerder sal altyd ordelik optree in 'n klaskamer en nie swak gedrag openbaar nie.	W	D		10
21.	Geen leerder, wie op reëndae in die klasse mag bly, mag hom wanordelik gedra nie.	W	D		10
22.	'n Leerder sal altyd 'n klas netjies en skoon hou.	W	D		10
23.	Indien 'n leerder sy skryfbehoeftes of leermateriaal in 'n vorige klas vergeet het, mag dit slegs met toestemming van die volgende opvoeder gehaal word en sal dit ordelik geskied.	W	D		10
24.	'n Leerder moet te alle tye hul boeke met respek en sorg hanteer.	W	D		10
25.	Geen leerder mag tydens klasse sonder die toestemming van 'n opvoeder kleedkamers toe gaan nie.	W	D		10
26.	Uitdaging van gesag, veral teenoor personeel.	2xD			30
ALGEMENE GEDRAG					
27.	Geen kougom word op die skoolterrein toegelaat nie.	W	W	D	5
28.	Weiering van 'n leerder om met 'n monitor of klaskaptein saam te werk of om 'n wettige opdrag van 'n monitor of klaskaptein op die skoolterrein of elders uit te voer tydens enige skoolaktiwiteit, is verbode.	W	D		10
29.	'n Leerder loop te alle tye op die skoolterrein aan die linkerkant van die stoepe met hul tasse in die regterhand (weg van die muur).	W	D		10
30.	'n Leerder mag nie op die skoolterrein se trappe hang, gly, spring of hardloop nie.	W	D		10
31.	'n Leerder mag geen persoon op die skoolterrein in die swembad instamp of onderdompel nie.	W	D		10
32.	'n Leerder se tas moet 'n handvatstel aanhê en mag alleenlik aan die handvatstel op die stoepe gedra word.	W	D		10
33.	'n Leerder mag nie op die stoepe van die skool met 'n bal speel nie.	W	D		10
34.	Geen fisieke kontak tussen seuns en dogters sal toegelaat word nie.	W	D		10
35.	Leerders mag nie laat kom vir enige skoolaktiwiteit, sonder 'n geldige rede nie.	W	D		10
36.	Versuim om detensie-afskeurstrokie binne 2 dae terug te bring.	W	D		10
37.	Afwesig van detensie sonder toestemming of geldige rede.	D			15
38.	'n Leerder mag nie boeke van die Media-sentrum beskadig en/of verniel nie.	D			15
39.	'n Leerder mag onder geen omstandighede op die skoolterrein met die algemene werkers se apparaat speel of daaraan peuter nie.	D			15
40.	Die spoeg en snuit van 'n leerder op die grond of op 'n mede-leerder op die skoolterrein of elders tydens enige skoolaktiwiteit, is verbode.	D			15
41.	Geen leerder mag goedere/voorwerpe deur of oor die skoolheining aangee of met persone gesels buite die skoolterrein gedurende skoolure nie.	D			15
42.	Geen leerder mag in 'n kleedkamer speel of mors of toilette onnodig druk of krane onnodig laat loop of toiletpapier teen plafonne of mure gooi nie.	D			15
43.	Vloek of skeltaal of negatiewe aanmerkings of afbrekende aanmerkings of bespotting deur 'n leerder aan mede-leerders of opvoeders of ander persone op die skoolterrein en of tydens enige ander skoolaktiwiteit, is verbode.	D			15
44.	Die wys van obskure tekens deur 'n leerder op die skoolterrein of elders tydens enige skoolaktiwiteit is verbode.	D			15
45.	Geen leerder mag enige klapper na die skoolterrein bring of in sy besit hê nie.	D			15
46.	Sodra 'n leerder die skoolterrein tydens 'n normale skooldag betree, sal die leerder	2xD			30

	sy selfoon onmiddellik afskakel en afgeskakel hou tot en met aan die einde van daardie skooldag. Die leerder mag alleenlik weer die selfoon aanskakel om 'n dringende oproep of SMS (neem van foto's en speel van speletjies is verbode) na sy ouers te maak of te ontvang nadat die leerder voorafgaande toestemming van 'n opvoeder ontvang het – na die oproep sal die leerder weer die selfoon afskakel.				
	GEDRAG - VERVOER				
47.	Geen liggaamsdeel van 'n leerder mag tydens 'n amptelike rit by die betrokke voertuig se venster uitsteek nie.	W	D		10
48.	Geen leerder sal hom tydens 'n amptelike rit binne of buite die voertuig wanordelik gedra nie.	W	D		10
49.	'n Leerder wie vanaf 'n vertrekpunt met skoolvervoer reis moet ook met daardie voertuig terugreis behalwe met toestemming van die skoolhoof of opvoeder.	W	D		10
50.	Geen leerder mag tydens 'n amptelik rit in die voertuig rommel strooi of mors of uitgooi nie.	W	D		10
	GEDRAG – OP OF TEENOR EIENDOMME EN TERREIN				
51.	'n Leerder mag nie op die skoolterrein, op die pawiljoene, stoepe, mure, trappe en ander gevaarlike plekke speel nie.	W	D		10
52.	Die gebruik van skaatsplanke, rolskaatse ens. op die skoolterrein is verbode.	W	D		10
53.	'n Leerder mag nie oor drade, dakke of mure op die skoolterrein klouter/klim nie.	W	D		10
54.	'n Leerder in 'n spesifieke graad moet in hul ge-allokeerde speelplekke op die skoolterrein bly.	W	D		10
55.	'n Leerder mag nie op die skoolterrein op die stoepe skaats, hardloop, fietsry of gekseker nie.	W	D		10
56.	'n Leerder mag nie op die skoolterrein gedurende, voor- of naskool en pouses in 'n klaskamer of saal wees nie, behalwe met die toestemming van die skoolhoof of opvoeder.	W	D		10
57.	'n Leerder mag nie sonder volwasse toesig by die swembad wees nie.	W	D		10
58.	'n Leerder mag nie sonder die toestemming van 'n opvoeder op die verhoog in die skoolsaal wees nie.	W	D		10
59.	Geen leerder mag in kledkamers rondhang nie.	W	D		10
60.	Geen Gr.1 tot 3-leerder mag in wagklastyd op die skoolterrein ronddwaal nie.	W	D		10
61.	Geen leerder van Gr 4. tot 7 mag die Grondslagfase se terrein gebruik as 'n deurstap nie.	W	D		10
62.	Geen elektroniese speelgoed/apparaat is toelaatbaar op die skoolterrein tydens skooltyd nie, behalwe met toestemming van 'n opvoeder.	W	D		10
63.	'n Leerder mag geen voorwerp vanaf die verdiepings na benede laat val nie.	W	D		10
64.	Geen leerder mag dreig of ander dreig om hul by die boonste verdieping af te gooi of te spring nie of teen die reëlings lê nie.	W	D		10
65.	'n Middagklas-leerder moet studietye nakom en mag nie sonder toestemming op die skoolterrein wees nie.	W	D		10
66.	Geen leerder mag na skooltyd op die skoolterrein wees sonder toestemming van 'n opvoeder nie.	W	D		10
67.	'n Leerder sal onmiddellik nadat die klok vir die einde van pouse gelui het, na hul	W	D		10

	klasse /aantreeplekke beweeg.				
68.	'n Leerder, behalwe klaskaptein, mag nie voor skool in die klaskamer wees nie. Leerders mag nie hul tasse in die klasse gaan sit nie.	W	D		10
69.	Geen leerder mag op die klimraam speel sonder toesig van 'n opvoeder nie.	W	D		10
70.	'n Leerder mag nie 'n ander leerder van die klimraam afstamp nie.	W	D		10
71.	Alleenlik Gr.1-3 leerders mag op die klimraam speel.	W	D		10
72.	'n Leerder mag nie op die skoolterrein in bome klim, takke breek en in die tuine speel nie.	W	D		10
73.	'n Leerder mag geen voorwerp in die swembad gooi behalwe met die toestemming van die skoolhoof of opvoeder nie.	W	D		10
74.	'n Leerder mag nie op sy of 'n ander leerder se skooltas of sportsak krap of skryf nie. (Slegs 'n leerder se naam mag op sy tas wees.)	W	D		10
75.	'n Leerder mag nie rommel strooi of gooi op die skoolterrein nie.	W	D		10
76.	'n Leerder mag nie sy naam, van en graad op versoek van 'n monitor of 'n opvoeder verswyg nie.	D			15
77.	'n Leerder mag nie op mure of tasse skryf, daarop plak, of merke maak nie. (Graffiti)	D			15
78.	'n Leerder mag nie met hul skoene merke op die vloere, teen mure of bane maak nie.	D			15
79.	'n Leerder mag nie op enige banke of kleedkamerdeure krap of skryf nie.	D			15
80.	Die uitgooi of verwydering van 'n mede-leerder se skooltas of sportsakke of ander sakke deur 'n leerder op die skoolterrein is verbode. (Die wegsteek van eiendom)	D			15
81.	'n Leerder mag nie peuter aan persoonlike besittings soos fietse, tasse, klere, sportsakke en motors van mede-leerders of opvoeders of ander persone op die skoolterrein of elders tydens skoolaktiwiteite nie.	D			15
82.	'n Leerder mag nie tydens 'n normale skooldag naby geparkeerde motors op die skoolterrein speel nie.	D			15
	GEDRAG-AFWESIGHEDE				
83.	'n Leerder mag nie die skoolterrein tydens 'n normale skooldag verlaat nadat hul ouers hul by die skool afgelaai het tot en met wanneer hul ouers hul weer kom oplaai nie, behalwe met die toestemming van die skoolhoof nie.	2xD			30
84.	Drostring (wegbly sonder die skoolhoof se kennis en of toestemming) vir langer as drie dae sonder die bewys van 'n mediese sertifikaat, is verbode.	2xD			30
	SKOOLDRAG EN VOORKOMS				
85.	Die hare van 'n seun mag nie oor sy oë of ore hang nie (d.i. wanneer vooroor of regaf gekam).	W	W	D	5
86.	Wanneer 'n seun regop staan, mag sy hare nie aan die kraag van sy klere raak nie.	W	W	D	5
87.	Die hare van 'n leerder mag nie 'n ander kleur gekleur word nie.	W	W	D	5
88.	Die hare van 'n leerder mag nie in 'n buitensporige of onaanvaarbare styl gedra of gegel word nie.	W	W	D	5
89.	'n Leerder mag alleenlik 'n horlosie of mediese band tydens 'n normale skooldag of tydens enige ander skoolaktiwiteit dra. Geen ander bandjies word toegelaat nie.	W	W	D	5
90.	Seuns mag nie oorknopies of ooringetjies op die skoolterrein of elders tydens skoolaktiwiteite dra nie.	W	W	D	5

91.	Geen leerder mag tydens skoolaktiwiteite 'n ketting of soortgelyke item om die nek of enkels dra nie.	W	W	D	5
92.	'n Leerder mag alleenlik die vasgestelde skooldrag / sportdrag dra tydens 'n normale skooldag of skoolfunksie of elders tydens enige skoolaktiwiteit, behalwe met die toestemming van die skoolhoof of opvoeder.	W	W	D	5
93.	Geen leerder mag enige skoolklere sonder skoene dra nie.	W	W	D	5
94.	'n Leerder mag alleenlik 'n normale swart lyfband tydens 'n normale skooldag of skoolfunksie of elders tydens enige skoolaktiwiteit dra.	W	W	D	5
95.	'n Leerder mag alleenlik normale swart skoolskoene tydens 'n normale skooldag of skoolfunksie of elders tydens enige skoolaktiwiteit dra.	W	W	D	5
96.	Seuns mag alleenlik grys skoolkouse tydens 'n normale skooldag of skoolfunksie of elders tydens enige skoolaktiwiteit dra.	W	W	D	5
97.	Geen sigbare tatoeërmerke mag gedra word nie.	W	W	D	5
98.	'n Leerder se naels moet kort, skoon en goed versorg wees.	W	W	D	5
BUITEMUURSE AKTIWITEITE					
99.	'n Leerder moet vooraf verskoning aanbied by die betrokke afrigter/leidster indien 'n leerder nie 'n oefening, optrede of wedstryd kan bywoon nie.	W	D		10

Sleutel: W = Waarskuwing D = Detensie

Hierdie reëls is opgestel om alle leerders se gedrag te reël. Dit is billik en regverdig opgestel sodat die leerders sal weet wat die reëls is en wat dit behels. Die reëls sal konsekwent toegepas word met die nodige prosedurele en substantiewe billikheid. Ons maak staat op u samewerking.